

Sakspapir

Saksbehandler	Arkiv	ArkivsakID
Oddvin Neset	FE - 231	17/296

Saksnr	Utvalg	Type	Dato
004/2017	Råd for eldre og funksjonshemma	PS	20.11.2017
063/2017	Formannskapet	PS	21.11.2017
061/2017	Kommunestyret	PS	14.12.2017

Betaling for kommunale tenester 2018

Forslag til vedtak:

Satsar for kommunale tenester 2018 vert godkjent slik dei ligg føre i dokumentet «Betaling for kommunale tenester 2018»

Saksopplysningar:

Bakgrunn

I samband med handsaminga av årsbudsjettet har rådmannen gått gjennom betalingssatsane for kommunale tenester, og lagt inn ei justering av satsane. Alle satsar er samla i eit dokment for å gje ei brukarvenleg og oversiktleg framstilling av kva dei ulike kommunale tenestene kostar. Vedlagt til saka følger også ei oversikt som viser korleis betalingssatsane har utvikla seg frå 2014 og fram til i dag.

Vurdering

Modalen kommune får eit stort inntektsbortfall i kraftinnetktene frå 2018 og åra framover, og må gjere omfattande kutt i budsjettet. For å redusere konsekvensane av inntektsbortfallet har ein sett på områder der det er potensiale til å auke inntektene.

Ved justering av satsane for 2018 har rådmannen lagt til grunn ein generell auke i satsane på ca 4 %. Dette er høgare enn den generelle prisveksten i samfunnet, men naudsynt ut frå den økonomiske situasjonen. På mange områder ligg me framleis under andre kommunar i våre betalingssatsar. Kvart område vert ikkje kommentert i dette saksframlegget, men områder der det er framlegg til større endringar vert trekt fram.

Barnehage: Her vert det føreslege å gå over til nasjonale maksimalsatsar for foreldrebetaling. Dette vil gje ein auke i foreldrebetalinga frå kr.2100,- til kr.2910,- pr. md for ein heiltidsplass, og frå

kr.1.600,- til kr.2.200,- pr md for ein deltidsplass. Dette er ein stor auke, men rådmannen ser dette som naudsynt ut frå den økonomiske situasjonen kommunen no står i. I barnehagen sitt budsjett for 2018 er det lagt til grunn ein heilårseffekt av auka foreldrebetaling som vil gje ei meireinntekt på kr. 150.000,-.

Det er to tilhøve rundt foreldrebetalinga som er verdt å merka seg:

1. Utgifter til pass av barn gjev frådrag på skatten. Konsekvensen ved å auke foreldrebetalinga vert difor ikkje ei rein nettoutgift for foreldra.
2. Det er etablert gode nasjonale ordningar som ivaretek familiar med låg inntekt. Familiar med ei samla inntekt under 500.500,- vil etter søknad få reduksjon i foreldrebetalinga. Auken vil såleis ikkje ramme dei mest sårbare gruppene.

Renovasjon: NGIR sitt representantskap kjem med tilråing til kommunane om renovasjonsavgift for kvart år. På grunn av auka utgifter i samband med RenoNorden gjekk konkurs, og nedgang i næringsavfall, må renovasjonsavgiftene aukast med kr 512,- eks mva.

Konklusjon

Rådmannen si tilråing er at betalingssatsane vert jusetert i samsvar med framlegget.

Råd for eldre og funksjonshemma - 004/2017

REF - behandling:

Rådmannen orienterte om satsane for kommunale tenester i 2018

REF - vedtak:

Satsar for kommunale tenester 2018 vert samrøystes tilrådd slik dei ligg føre i dokumentet «Betaling for kommunale tenester 2018»

Formannskapet - 063/2017

FOR - behandling:

Rådmannen orienterte om framlegget til betalingssatsane for kommunale tenester, med hovudvekt på auken i renovasjonsavgift og forslaget om å gå over til nasjonale maksimalsatsar for barnehage. Resten av betalingssatsane for kommunale tenester er foreslått auka med 4% frå 2017 til 2018. Under diskusjonen kom det tydeleg fram at formannskapet ikkje ynskjer å auke betalingssatsane for barnehage opp til nasjonale maksimalsatsar. Ulike løysingar og modellar vart drøfta. Kjetil Eikefet hadde eit forslag om å auke alle dei kommunale betalingssatsane, inkludert barnehagesats, med 5% frå 2017 til 2018.

Liv Anne Aanenesen hadde eit forslag om å auke foreldrebetalinga for fulltidsplass i barnehage frå 2100 kr i 2017 til 2300 kr i 2018. Alle dei andre betalingssatsane vert auka med 5% .

Liv Anne Aanenesen sitt forslag vart teke opp til votering, og fekk fleirtal med 4 mot 1 røyst. Ann-Jorunn Farestveit røysta mot.

Formannskapet bed administrasjonen berekne kva budsjettmessige konsekvensar dette vedtaket har for 2018 samanlikna med rådmannen sitt framlegg til vedtak, i form av reduserte inntekter for kommunen.

FOR - vedtak:

Foreldrebetalinga for fulltids plass i barnehage vert auka frå 2100 kr i 2017 til 2300 kr i 2018. Alle dei andre betalingssatsane vert auka med 5% .

Formannskapet bed administrasjonen berekne kva budsjettmessige konsekvensar dette vedtaket har for 2018 samanlikna med rådmannen sitt framlegg til vedtak, i form av reduserte inntekter for kommunen.

Kommunestyret - 061/2017

KS - behandling:

Rådmannen orienterte om framlegget til betalingssatsane for kommunale tenester, med hovudvekt på auken i renovasjonsavgift og forslaget om å gå over til nasjonale maksimalsatsar for barnehage. Resten av betalingssatsane for kommunale tenester er foreslått auka med 4% frå 2017 til 2018.

Under diskusjonen kom det tydeleg fram at kommunestyret ikkje ynskjer å auke betalingssatsane for barnehage opp til nasjonale maksimalsatsar, då framlegget rammar småbarnsfamiliar for kraftig. Ulike løysingar og modellar vart drøfta.

Formannskapet ba i forrige møte administrasjonen berekne kva budsjettmessige konsekvensar deira vedtak har for 2018 samanlikna med rådmannen sitt framlegg til vedtak, i form av reduserte inntekter for kommunen. Rådmannen orienterte om at Formannskapet sitt vedtak medfører kr 85 000 i mindreinntekt samanlikna med rådmannen sitt framlegg. Av dette er kr 110 000 mindre inntekter frå foreldrebetaling i barnehage, medan ein får kr 25000 i meirinntekt ved å heve dei andre betalingssatsane for kommunale tenester med 5% istadenfor 4%.

Ordføraren låg fram formannskapet sitt vedtak til votering. Samrøystes vedteke.

KS - vedtak:

Foreldrebetalinga for fulltids plass i barnehage vert auka frå 2100 kr i 2017 til 2300 kr i 2018. Alle dei andre betalingssatsane vert auka med 5% .

Vedlegg:

Betalingssatsar 2018 framlegg

Oversyn over betalingssatsar 2014 - 2018

